

22³

Bericht von dem Friede /
So zwischen Papst Paulo dem 1111. 2c.
vnd Philippo Königen in Hispanien vnd
Engeland 2c. bey Rom auff freyem
feldt gemacht worden.

Von dem grossen wasser /
So den 15. Septembris 1600. D. 1600.
zu Rom gewesen / vnd ankommen ist.

Mit erzehlung / was schadē
dasselbig an Brugten - Kirchen - Pal-
lasten / Getreyd / Wein vnd Oel gethan.

Auch wie vil es leut ersaufft - vnd was sich
sonst zügetragen hab - in diesem
1600. D. 1600. Jar.

Papst Paulus der vierde dieses Namens.

Geliebter Son/wir wünschen dir Heyl/ vnd
Apostolischen segnen.

Nach dem wir begeren omb der thue/ vnd Frides wil-
len/welche wir für all andere gaben zum höchstē lie-
ben / eine eynigkeit / so für dise yetzige zeit nützlich wäre / mit
dem Edlen Herren vn̄ Herzogen von Alba/ So diser zeit einen
Krieg wider vns fürer/ auffzurichten: Das also nach gestilten
Kriegsempörungen wir möchten/ nach vnserm auffgelegten/
vnd gepürenden Ampt/ Dem Gottesdienst mit rechtschaffner
andacht/vnnd vnuerhinderten/ ganzem gemüte ergeben sein/
Geben wir dir in krafft dises Brieffs/ als vnserm Enigkel dem
geblüt nach/ Dem zum theyl vnser hertz vnd meynung zum be-
sten bewußt/ Zum theyl auch in vielen hohen sachen / so disem
heyligen Stuhl sūrgelassen/ laß dich daruber gānzlich erkennen
haben / als einen glaubwürdigen/ erfarnen/ geflissnen/vnnd
auffrechte Mann/ Ein völligen/ freyen/ vnd Apostolischen ge-
walt/ sampt denen Cardinalen der heyligen Römischen Kir-
chen/ so darzu teiglich eracht/ zu handeln vnd zuthun alles/ als
wenn wir selbst verhanden/ Vnnd solches richten/ mit dem
yetz benannten Herzogen in einem etwa gelegnen vnnd sichern
ort/ Vnd mit jme in Namen seines Königes/ von welchen er
vmb des willen genügsams Mandat zuhaben sūrgibt/ Was
zū einem Friden vnd eynigkeit künde dienen/ in vnserm Nam-
men/ vn̄ in ein Capitulation/ Vertrag vnd geding einzugehn/
vnd andere Artickel so in vorbemelten für notwendig vnnd
annemlich eracht möchten werden. Datum in Roma, apud
Sanctū Petrum, sub annulo piscatoris, die 18. Septemb.
M. D. LVII, Pontificatus nostri anno tertio.

Io. Berengus.

Oberschrifft.

Vnsern lieben Son Carolo, Diacono zum Macello Martyrum
der heyligē Viti vnd Modesti, genanten Cardinaln zu Carafa.

B Copy



Copen des Königlichlichen W. in
Hispanien Gewaltsbrieff.

Wir Philippus von Gottes gnaden/
König in Hispanien / Engelandt / Franck-
reich / Neapolis / beyder Sicilien / Hierusa-
lem / vnnnd Hypernie. Erzherzog zu Oster-
reich / hertzog zu Burgunden / Meylandt vnnnd Brabandt /
Graff auff Habsburg / Flandern vnnnd Tyroll &c. Wir be-
kennen / vnnnd thun kundt manigklich in krafft dieses Brieffs :
Wiewol wir nach vnsern vnseglischen fleys vnnnd liebe / damit
die zwittracht wurde abgelegt / so zwischen dem höchsten Hertz-
ren / Paulum auß Gottes fürsichung der heyligen / Römischen
vnd allgemeynen Kirche obersten Bischouen / Vnnnd zwischen
vnns newlicher zejt / nit ohne schmerzliche betrübnus vnser
hertzens / erhebt den 18. tag Decembris des 1556. vberge-
ben haben völligen gewalt / dem Durchleüchtigen / getrewen /
vnnnd sehr geliebten Herten / Ferdinando Aluaros / von Cole-
do / hertzogen zu Albe / vnsern Rath / vnd der Gerichten ver-
walter / Vnsern Neapolitanischen Reichs Statthalter / vnnnd
Gubernatorn zu Meylandt / vnnnd Obersten Feldthauptmann
vnsern Kriegsvoldts in Italien. Das er mit seiner heyligkeit
oder derselben etwa Gewaltstragenden personen / alles abzu-
handeln / zuschlichten / zuthun / vnnnd volführen / was zu diesem
vertrag vnd eynigkeit möchle fürderlich sein / Jedoch / auff das
nit einicherley verzug / oder zweyfel in disen hochnotwendigen
geschäfte fürfalle / Damit solches nicht zu einer vil erwünschten
volziehung / wie billich gebracht / Vnd vnsern grossen begern
statlicher nachkommen wurde / sind wir entschlossen / disen vor-
ermelten gewaltsam mit seinem innhalt / wie er fürgestelt / von
wort zu wort in gleicher weys vnd gestalt zuhalten / zubestär-
ren vnd zubekräftigen / vnnnd in vermög dieses gegenwärtigen
Decrets ratificiern / bestätten / bekräftigen wir / vnnnd halten
fürgewiß

fürgewiß / vnd ist vnser gute meynung / Was nach dem Auf-
schreyben vnserer yetzberürten Mandats bisher fürgenomen /
abgehandelt / vnd beschlossen ist durch den hertzogen zu Albe /
mit dem heyligsten vnsern Herten / Herten Paulo / Papst den
vierdten / oder mit seinen Gesandten / oder Anwalt / als wenn
solches durch vns werde beschehen / vnd zum ende bracht. Vnd
vmb mehrer versicherung vnd cautel / als denn dem hertzogen
zu Albe will von nöthen sein / vnnnd wir auch vns versehen se-
ner trew / vnnnd erfahrung in vilen sachen / Binden wir ime ein /
durch dieses Decret / solches ampt. Geben also widerumb / souil
von nöthen / völligen gewalt vnnnd macht / Das er in vnsern
Nammen / vnd für vns kund / vnnnd dörfte mit vor berührten
vnsern heyligsten Herten Paulo Papst den vierdten / oder mit
den Ehrwürdigsten Cardinaln zu Carase / oder mit einem an-
dern / oder andern / sie seyen wer sie wöllen / vnnnd derselbigen
heyligkeit gewaltsträger seind / vergleichung / Pact / vnnnd Ca-
piteln fürnehmen / handeln / beschliessen vnd bekraftigen / oder
yetz die auffgerichte volstrecken / vnd zu ende führen. Auch an-
dere geschanckung / verlichung / Caution / versicherung / vnd
verheissung / sie halten sich wie sie wöllen / nach dem solches im
für gut wirdt ansehen / verheysen / annemen / vnnnd in vnsern
Nammen asperiern. Vnd ob es sach wäre / daß sie noch meh-
rer specificiert Mandat forderten / denn die fürgeschriben ist /
Das er solches samptlich vnnnd in sonderheit thun / bestatten /
vnterscheydenlich dargeben / ordiniern / vnnnd verichten sollen /
Welches wir selbs mündlich / so wir zugegen wären / dispo-
niern / thun / vnd beschliessen kündten / Vnd solches alles / so es
die noch erfordern wirdt / auch mit dem Ayd bekraftigen / vnd
einen oder mehr Bürgen an seiner statt vmb vergewisserung
der obgemelten stücke mit gleichen oder bestimpten gewaltsam
verordnen. Versprechen endlich bey vnser Königlichē trew /
das wir gewiß vnd stät halten wöllen / ohne allen betrug vnd
list / alles das / so durch den vor berührten Durchleüchtigsten
Herten vnd hertzogen zu Albe / vnsern Gewalttrager / oder so

B ij durch

durch die ihenigen / welche an seiner statt auffgestellt mocht/
oder mochten werden / gehandelt / geordnet / vertragen / in ey-
nigkeit gebracht / verheffen vnnnd beschloffen worden ist / nach
yetzt bemelten / oder andern vorgehenden form / Vnd gedencfen
solch nymermer zu cyniger zeit zu ändern / noch in cynigen we-
ge den Vertrag brechen. Solches bey verpfendung aller vnser
Possession / so wir yetzundt innen haben / vnd zukünfftiger zeit
kriegen möchten. Vnd vnter dem zeügknuß dises yetzt verles-
nen Bricues / vnnnd vnfers hiebey auffgedruckten Secrets vnd
Znsigels. Geben auß Brüssel in vnsern Herzogthum Bra-
band / den 26. Julij / Anno 1557. Des sind Zeügen ge-
weest / die gegenwärtigen vnd vnterschribnen Durchleuchtigen
Herren / Herz Ferdinandus Fürst von Gonzoga / Herz Anto-
nius von Toledo / Herz Johann Manrico von Lara / vnnnd
Herz Bernardinus von Mendoza / Vnfers Königreichs Kö-
the.

Io el Rey.

Locus Sigili.

G. Peretius

Volgen

Volgen die eynigungs Artikel.

Sittlich das Duca de Alba von
wegen Königlicher Mayestatt / als ein
andechtiger vnd gehorsamer Son / gegē
Bepflicher heyligkeit in gebürlichem ge-
horsam vmb versenung sich demütigen / vnd König-
liche Mayestett einen schicken sol / der auch der glei-
chen thu.

Das Bepfliche heyligkeit als ein gütiger Vato-
ter / Königliche Mayestet als sein vnd des Röm-
schen stuls gehorsamen Son annemen / vnd Christo-
licher gnaden theylhafftig sol sein lassen.

Das Bepfliche heyligkeit den bundt mit dem
König auß frantckreych sol fallen lassen / mit verspre-
chen einen zuhalten als den andern.

Das von Königlicher Mayestet alle Stett/
fleckten / Dörffer / Befestigung / Castell in was Pro-
vintz die gelegē / sie seyen mittelst oder vnuermittelst /
dem Römische stul vnterworffen / so von anfang dis
Kriegs bis auf gegenwertigen tag eingenommen wor-
den / Bepflicher heyligkeit sollen zugestellt werden.

Das zu gleicher weis bede theylen was sie von
Geschütz / mit was gestalt vñ weis / an was ort vnd
ende die selben erobert einander wider zustellen sollē.

Das beyde theylen einander gemeinden vñ son-
dere Personen / Geysstlich vnnnd Weltlich / von was
Grad / Stand vnd Wirten die sein mögen / ledig ge-

B ij ben /

ben/ den selben alles darin sie sich an Weltlichem o-
der Geystlichem/ von wegen vnnnd in ansehung dis
Kriegs vergriffen / des gleichen alle straff derhalb
erlassen/ vnd den selben jr ehz/ standt/ Dignitet/ Ju-
ridicion/ Befestigung/ Schlösser/ Empter/ Schul-
den/ Güter/ beweglich vnnnd vn beweglich/ deren sie
entwehrt vnd entsetzt/ oder in andere weys vnd ge-
stalt der selben habhafft zu sein/ doch allein durch
vnd von wegen ermeldter Kriegfleusft vnd anderst
nicht gehindert/ verfolgte sollen lassen. Mit diser auß-
druckenlichen leuterung/ das solch Capitel auff den
Marcum Antonium de Collona/ vnnnd Ascanium
Della Cornia nit verstanden werde/ oder dieselben
begreifen/ sonder das die selbē in irem vngheorsam
darein sie gefallen/ verfangen bleiben/ vnd alles zu
freyem willen Bepflicher heyligkeit stehen sol.

Wo vnd was ende Paliano ergriffen wurde/
das der selbig Herrn Joanni Bernardin Carbone
von beden theylen dazu approbirt/ vbersendt vnnnd
Consignirt werden/ auch Bepflicher heyligkeit/ vnd
Königlicher Mayestet/ derhalben/ Vnd das er als
les so zwischen Cardinal Carafa vnd Duca de Al-
ba von wegen irer Herrn gehandelt worde/ halten
vnd nachsetzen wöl/ schweren/ vnd in der besatzung
des Paliani platz/ acht hundert knecht starck verhar-
ren/ vnd die vnkosten hierob von beden theilen halb
erstattet werden sollen.

Solchs alles vnnnd yedes/ wie oben vermeldt/
stet vnd fest on alle aufzuge vnd exception trewlich

zu halten/ verheissen vnd schweren Cardinal Carafa
fa/ vnd Duca de Alba an statt irer Herrn/ in krafft
jr yeden habenden gewalts gegeneinander/ jr yeder
als in seins Herrn eygen Person/ Seel vñ gewissen.
Dessen zu glaubwürdiger vnkundt/ habē sich mit eige-
ner handt/ Cardinal S. Fiore vnd Vitelli/ auff beo-
der seyts verheissene Ratification vnderschrübē/ vnd
jr gewonliche Sigill vndergedruckt/ den 14. Sep-
tembris/ des fünffzehen hundert siben vnd fünffzig-
sten Jars/ zu Cavi.

Ich Cardinal Carafa/ an statt vnd von wegen
Bepflicher heyligkeit/ wie obē gemeldt/ gelob solchs
stet/ fest vnd trewlich zuhalten.

Desselben Sigil auffgedruckt.

Duca de Alba.

Desselben Sigil.

Ich Guido Ascanio Cardinal Kämerring/ bin
bey diesem allem zugegen gewest/ vnd des wie oben
ein zeng.

Ich Vitellozo Cardinal de Vitelli/ bin bey sol-
chem allem zu gegen gewest/ vnnnd dessen wie oben/
ein zeng.